

景宋咸淳本李翰林集



卷之四

景文先生集

四

李翰林集卷第二十

翰林供奉李白

閨情

寄遠十二首

長信宮

長門怨

示金陵女子

自代內贈

春怨

代贈遠

南流夜郎寄內

陌上贈美人

閨情

代別情人

代秋情

對酒

怨情

秋浦寄內

秋浦感主人歸鵲寄內

在潯陽非所寄內

送內尋廬山女道士李騰空二首

別內三首

巴女詞

湖邊採蓮婦

越女詞五首

怨情

浣沙石上女

長門怨

代寄情人楚詞體

笑歌行

悲歌行

草書歌行

姑熟十詠

代美人愁鏡二首

贈內

出妓金陵子呈盧六四首

贈段七娘

折荷有贈

寄遠十二首

三鳥別王母銜書來相見

一作見

過腸斷若剪絃其如愁

思何

一本無此二句

遙知玉窓裏纖手弄雲和奏曲有深意

青松交女蘿寫水落井中同泉豈殊波秦心與楚恨
皎皎爲誰多

青樓何所在乃在碧雲中寶鏡挂秋水羅衣輕春風

新妝坐落日悵望金屏空念此送短書願因雙飛鴻

一本青樓何所在作一首

遠憶巫山陽花明渌江暖躊躇未得往淚向南雲滿春
風復無情吹我夢竟斷不見眼中人天長音信短

本作一行書慙慙坐

一作道

相憶一行復一行滿紙情

何極瑤臺有黃鶴爲報青樓人朱顏凋落盡白髮一

何新自知未應還

一作未因老

離居經三春桃李今若爲

當窻發光彩莫使香風飄留與紅芳待

玉筯落春鏡坐愁湖陽水聞與陰歷華風煙接鄰里

青春已復過白日忽相催但恐荷花晚令人意已摧

相思不惜夢日夜向陽臺

陽臺隔楚水春草生黃河相思無日夜浩蕩若流

一作

深波流

一作深

波向海去欲見終無因遙將

一作持

一點

淚遠寄如花人

妾在春陵東君居漢江島百里望花光往來成白道
一爲雲雨別此地生秋草秋草秋蛾飛相思愁落輝
何由一相見滅燭解羅衣

憶昨東園桃李花

紅一作

碧枝與君此時初別離金

瓶落井無消息令人行歎復坐思坐思

一本無下
坐思二字

行

歎成楚越春風玉顏畏銷歇

一本云楚越
春風畏銷歇

碧窓紛紛

下落花青樓寂寂空明月兩不見但相思空留

一本
無此

二字錦字表心素至今緘愁不忍窺

長短春草綠綠階如有情卷施心獨苦抽却死還生

覩物知妾意希君種後庭閑時當採掇念此莫相

輕

魯縞如玉霜筆題月支書寄書白鸚鵡西海慰離居
行數雖不多字字有委曲天末如見之開緘淚相續
淚盡恨轉深千里同此心相思千萬里一書直千金
美人在時花滿堂美人去後餘空牀牀中繡被卷不
寢至今三載聞餘香香亦竟不滅人亦竟不來相思
黃葉盡白露濕青苔

愛君芙蓉嬋娟之艷色若可食今難再得憐君冰玉
清迥之明心情不極兮意已深朝共琅玕之綺食夜
同鴛鴦之錦衾恩情婉孌

一本無此二字

忽爲別使人莫錯

亂愁心亂愁心涕如雪寒燈厭夢魂欲絕覺來相思
生白髮盈盈漢水若可越可惜凌波步羅襪美人美
人兮歸去來莫作朝雲暮雨飛陽臺

長信宮

月皎昭陽殿霜清長信宮天行乘玉輦飛鷺與君同
更有歡娛處承恩樂未窮誰憐團扇妾獨坐怨秋風

長門怨

天迴北斗挂西樓金屋無人螢火流月光欲到長門

殿別作深深

一作深宮

一段愁

示金陵女子

金陵城東誰家子竊聽琴聲碧窓裏落花一片天上
來隨人直渡西江水楚歌吳語嬌不成似能未能最
有情謝公正要東山妓攜手林泉處處行

自代內贈

寶刀截

一作裁

流水無有斷絕時妾意逐君行纏綿亦

如之別來門前草春盡秋

一作秋卷春

轉碧掃盡還更生

萋萋滿行跡鳴鳳始相何

一作何

得雄驚鷗各飛遊雲落

何山一往不見歸估客發大樓知君在秋浦梁苑空

錦衾陽臺夢行雨妾家三作相失勢去西秦猶有舊

歌管淒清聞四鄰曲度入紫雲啼無眼中人女弟爭

笑弄悲羞淚盈巾一本無此二句妾似井底桃開花向誰笑
君如天上月不肯一迴照窺鏡不自識別多憔悴深
安得秦吉了爲人道寸心

春怨

白馬金羈遼海東羅帷繡被卧春風落月低軒窺燭
盡飛花入戶笑牀空

代贈遠

妾本洛陽人狂夫陰一作幽燕客渴飲易水波由來多
感激胡馬西北馳香駿一作髮搖綠絲鳴鞭從此去逐
虜蕩邊陲昔去有好言不言久離別燕支多美女走

馬輕風雪見此不記人恩情雲雨絕啼流玉筋盡坐
恨金閨切織錦作短書腸隨迴紋結相思欲有寄恐
君不見察焚之揚其灰手跡自此滅

南流夜郎寄內

夜郎天外怨離居明月樓中音信疎北鴈春歸看欲
盡南來不得豫章書

陌上贈美人

駿馬驕行蹋落花垂鞭直拂五雲車美人一笑褰珠
箔遙指紅一作青樓是妾家

閨情

流水去絕國浮雲辭故關水或戀前浦雲猶歸舊山
恨君流一作龍沙去棄妾漁陽間玉筯夜垂一作日夜流雙
雙落朱顏黃鳥坐相悲綠楊誰更攀織錦心草草挑
燈淚斑斑窺鏡不自識況乃狂夫還

代別情人

清水本不動桃花發岸傍桃花弄水色波蕩搖春光
我悅子容豔子傾我文章風吹綠琴去曲度紫鴛鴦
昔作一水魚今成兩枝鳥哀哀長雞鳴夜夜達五曉
起折相思樹歸贈知寸心覆水不可收行雲難重尋
天涯有度鳥莫絕瑤華音

代秋情

幾日相別離門前生魯葵寒蟬聒梧桐日夕長鳴悲
白露濕螢火清霜零兔絲空掩紫羅袂一作空閨掩羅袂長
啼無盡時

對酒

蒲萄酒金巨羅吳姬十五細馬馱青黛畫眉紅錦靴
道字不正嬌唱歌玳瑁筵中一作上懷裏醉芙蓉帳底
奈君何

怨情

新人如花雖可寵故人似玉猶來重花性飄揚不自

持玉心皎潔終不移故人昔新今尚故還見新人有
故時請看陳后黃金屋寂寂珠簾生網絲

秋浦寄內

我今尋陽去辭家千里餘結荷倦

一作見

水宿却寄大

雷書雖不同辛苦愴離各自居我自入秋浦三年北
信踈紅顏愁落盡白髮不能除有客自梁苑手攜五
色魚開魚得錦字歸問我何如江山雖道阻意合不
爲殊

秋浦感主人歸鵲寄內

霜朽楚關木始知殺氣嚴寥寥金天廓婉婉綠紅潛

胡鷺別主人雙雙語前簷三飛四迴顧欲去復相瞻
豈不戀華屋終然謝珠簾我不及此鳥遠行歲已淹
寄書道中歎淚下不能緘

在潯陽非所寄內

聞難知慟哭行啼入府中多君同蔡琰流淚請曹公
知登吳章嶺昔與死無分崎嶇行石道外折入青雲
相見若悲歎哀聲那可聞

送內尋廬山女道士李騰空二首

君尋騰空子應到碧山家水春雲母碓風拂石楠花
若戀幽居好相邀弄紫霞